



Գուլֆի ակումբի և ակադեմիայի հիմնում

Համառոտ ներդրումային ծրագիր

Սույն ծրագրի շրջանակներում «Բերքլի Քեփիթլ» փակ բաժնետիրական ընկերությունը (այսուհետ՝ Ընկերություն) նախատեսում է կազմակերպել Արարատի մարզի Վեդի համայնքի Փոքր Վեդի բնակավայրի և Արտաշատի պատմական հուշարձան-համալիրի մոտակայքում գոլֆի ակումբի և ակադեմիայի, ինչպես նաև կից հանգստի և բնակելի գոտիների կառուցում:

Նախագծի համար ընտրված հողատարածքը գտնվում է Փոքր Վեդի գյուղից 0.7 կմ և Մ2 մայրուղուց 0.6 կմ հեռավորության վրա: Մայրաքաղաքից հեռավորությունը 41 կմ է:

Գտնվելով պատմամշակութային Խոր Վիրապ հնագիտական տեղանքի պաշտպանված գոտուց դուրս՝ նախագծում, այնուամենայնիվ, բացառվում են ստորգետնյա կառույցները:

Ծրագրի իրականացմանը զուգահեռ նպատակահարմար կլինի Մ2 մայրուղու և Խոր Վիրապ համալիր տանող ճանապարհների բարեկարգումը:

Կարծում ենք, որ այս նախագծի իրականացումը նկատելի քայլ կլինի Հայաստանի տարածքային համաչափ զարգացման ուղղությամբ:

Ակնկալվում է նաև տարածաշրջանում զբոսաշրջության խթանում, որը կապահովի դրական տնտեսական աճ՝ նպաստելով առևտրի խթանմանն ու մարզում ստեղծելով նոր իրացման շուկա ապրանքների և ծառայությունների համար (ինչն իր հերթին կնպաստի մարզի հետագա սոցիալ-տնտեսական զարգացմանը):

Նախագծի սեփականատեր՝ «Բերքլի Քեփիթլ» ՓԲԸ

Ծրագրի շրջանակներում նախատեսվում է կառուցել՝

- գոլֆի ակումբ՝ բազմաֆունկցիոնալ մասնաշենքով և խաղադաշտերով,
- գոլֆի դպրոց (ակադեմիա)՝ մարզադաշտերով և մարզահամալիրով,
- հյուրանոցային համալիր,
- մեծահասակների հանգստյան տուն,
- մանկապատանեկան ամառային ճամբար - հյուրանոց,
- մարզահամալիր՝ իր հյուրանոցով, ֆուտբոլի դաշտերով և թենիսի կորտերով,
- բարձր և միջին կարգի բնակելի շենքեր և առանձնատներ,
- ծառայողական բնակելի թաղամաս,
- ադմինիստրատիվ, համայնքային և կոմերցիոն նշանակության շենքեր,
- համալիրին ենթակա արտադրական, պահեստային կառույցներ,
- այգիներ:

Կապիտալ ներդրումների ընդհանուր գումարը նախնական հաշվարկներով կազմում է շուրջ 172 միլիոն ԱՄՆ դոլար:



Մի քանի փաստ գոլֆի մասին՝

- միայն ԱՄՆ-ում 2022-ին գոլֆով սկսել են զբաղվել 3.3 միլիոն մարդ¹,
- գոլֆի ինդուստրիան միայն ԱՄՆ-ում կազմում է մոտ 84 միլիարդ ԱՄՆ դոլար²,
- գոլֆի տուրիզմի ինդուստրիան 2022-ն գնենքացրել է 22.7 միլիարդ ԱՄՆ դոլար, և սպասվում է, որ 2030 թվականին կգնենքացնի 41.9 միլիարդ ԱՄՆ դոլար³՝ ավելանալով տարեկան 7.6%-ով:

Ավելի քան 600 տարվա պատմություն ունեցող այս մարզաձևն ունի լայն աշխարհագրական տարածում. գոլֆի ակումբներ ստեղծվում են ամենատարբեր վայրերում:

Աշխարհի լավագույն գոլֆի ակումբների դաշտեր այսօր մրցում են՝ փորձելով աչքի ընկնել իրենց յուրահատուկ և տեսարժան բնական պայմաններով, տեսարաններով և իհարկե բարձրակարգ սպասարկմամբ:

Արարատ լեռան ստորոտում տեղակայված գոլֆի և հանգստի համալիրի տեսարժանությունն արդեն իսկ երաշխավորված է նրա աշխարհագրական դիրքով, իսկ ներկայացված ծրագրում կստեղծվեն բոլոր անհրաժեշտ պայմանները, որպեսզի սպասարկման որակը համապատասխանի աշխարհի բարձր կարգի ակումբների ստանդարտներին:

Երկրի կլիման ունի 7 խաղային սեզոն, ինչը թույլ է տալիս գոլֆի ակումբը պահել բարձր հաճախելիությամբ:

¹ Աղբյուր՝ www.ngf.org

² Աղբյուր՝ www.zippia.com

³ Աղբյուր՝ www.researchandmarkets.com



Գոլֆի ակումբ և ակադեմիա

Գոլֆի ակումբում նախատեսվում է 27 մրցուղի (18 և 9 մրցուղիներ), ինչպես նաև առանձին խաղաղաշտով մարզումների համար մասնաշենք (driving range):

Հիմնական մասնաշենքում կգործի ընդունարան, ռեստորան, բար: Այս շենքում նաև տեղակայված կլինեն գրասենյակներն ու խոտաձածկույթի անհրաժեշտ որակն ապահովող լաբորատորիան:

Ակումբի հարևանությամբ կգործի **գոլֆի մարզադպրոց** (ակադեմիա)՝ առանձին մարզադաշտերով և մասնաշենքերով:

Ակադեմիան կից նախատեսվում է նաև **հյուրանոց**՝ շաբաթական դասընթացներն ապահովելու համար:

Հետագա զարգացման ընթացքում կենտրոնական փողոցը կկազմեն ցածրահարկ բազմաբնակարան շենքերը, առաջին հարկերում կտեղակայվեն խանութներ, ռեստորաններ, բարեր և այլ օժանդակ ենթակառուցվածքներ:

Նախատեսվում է մինիքաղաքի շինարարությունը 2 փուլով: Առաջին հերթին հիմնական շէջտը դրվելու է առանձնատների վրա:

Ուժեղ կողմեր	Թույլ կողմեր
<ul style="list-style-type: none"> • ֆինանսական ռեսուրսների առկայություն • տեղական ինքնակառավարման մարմինների և համայնքի աջակցություն • ՀՀ կառավարության քաղաքականության հետ համապատասխանելիություն՝ նոր աշխատատեղեր ստեղծելու տեսանկյունից • գոլֆի ակադեմիա՝ կից մարզադաշտերով և մարզահամալիրով • հյուրանոցային համալիր • բնակելի հատված • հասարակական սննդի վայրեր • համալիրին կից ավտոհանգույց • առցանց գրանցման համակարգ (online booking system) • ակումբի որակյալ հարմարություններ և բարեհամբույր միջավայր բոլոր տարիքային խմբերի համար • լավ հեղինակություն պատանիների համար • նորագույն սարքավորումների առկայություն • կորպորատիվ անդամագրության հնարավորություն 	<ul style="list-style-type: none"> • գոլֆի խաղադաշտերի պայմանները ձմեռային ամիսներին • փորձի պակաս • փորձառու մասնագետների պակաս
Հնարավորություններ	Ռիսկեր
<ul style="list-style-type: none"> • տարածաշրջանի սոցիալ-տնտեսական իրավիճակի բարելավում • համայնքի հարկային եկամուտների ավելացում • Ընկերության կողմից համայնքի սոցիալական ծրագրերում մասնակցություն • մշտական 180-200 աշխատատեղի ապահովում 	<ul style="list-style-type: none"> • համալիրի համար նախատեսված տարածքի ձեռքբերման խոչընդոտներ • արտարժույթի կտրուկ տատանումներ • հարկային քաղաքականության կտրուկ փոփոխություններ • եղանակի տատանումներ

Ծրագրի ֆինանսական կանխատեսումներ

Ստորև ներկայացված են ծրագրի ֆինանսական կանխատեսումներն ու անհրաժեշտ կապիտալ ներդրումների ծավալը.

Հազար ԱՄՆ դոլար

Նկարագրություն / տարի >>	0	1	2	3	4	5	6	7	8	9	10
Եկամուտ	-	-	7,887	25,506	36,012	35,149	46,637	47,232	55,149	54,811	57,816
Գոլֆի ակումբի և ակադեմիայի եկամուտ (անդամավճարներ, ընթացիկ այցելություններ, դասընթացներ)	-	-	5,949	19,239	26,810	6,503	3,156	2,801	4,071	6,679	5,270
Ռեստորան, բար, բացօթյա սրահ, Հանդիսությունների սրահ	-	-	1,416	4,580	6,382	5,439	3,017	2,678	3,892	6,386	5,038
Հյուրանոցային ծառայություններ	-	-	-	-	-	15,017	8,745	7,761	11,280	18,508	14,603
Բնակարանների, առանձնատների և կոմերցիոն տարածքների վաճառք	-	-	522	1,687	2,820	5,416	30,103	32,559	33,821	19,818	30,208
Այլ եկամուտներ	-	-	-	-	-	2,774	1,616	1,434	2,084	3,419	2,698
Ծախս	13,210	22,976	13,071	21,420	20,543	7,049	28,039	19,707	29,686	22,706	19,761
Կապիտալ ներդրումներ	13,182	22,877	12,453	19,811	17,788	6,437	25,169	16,743	21,977	8,519	7,414
հողատարածքի ձեռքբերում	6,750	-	-	-	-	-	-	-	-	-	-
Ճանապարհներ	197	701	168	-	-	-	-	-	-	-	-
Ցանկապատ	2	7	2	-	-	-	-	-	-	-	-
Կոյուղի	138	490	117	-	-	-	-	-	-	-	-
Էլեկտրաֆիկացիա	-	-	-	-	-	-	-	-	-	-	-
Գազ	9	31	-	-	-	-	-	-	-	-	-
Ջուր	-	-	-	-	-	-	-	-	-	-	-
տարածքի գեոդեզիա	180	642	-	-	-	-	-	-	-	-	-
հողի քիմիական միլիորացիա	513	1,825	-	-	-	-	-	-	-	-	-
գոլֆի ակումբի և ակադեմիայի խաղադաշտերի և հարակից շինությունների	433	1,540	-	-	-	-	-	-	-	-	-
շինարարական նախագծերի կազմում	577	2,054	983	-	-	-	-	-	-	-	-
գոլֆի ակումբ	2,283	8,120	2,474	-	-	-	-	-	-	-	-
գոլֆի ակադեմիա	2,100	7,467	2,276	-	-	-	-	-	-	-	-
բարձրակարգ հյուրանոց	-	-	3,459	10,654	2,999	-	-	-	-	-	-
մեծահասակների հանգստյան տուն	-	-	705	2,172	611	-	-	-	-	-	-
մանկապատանեկան ամառային ճամբար-հյուրանոց	-	-	540	1,663	467	-	-	-	-	-	-
մարզահամալիր	-	-	1,081	3,330	935	-	-	-	-	-	-
բնակելի հատված	-	-	590	1,817	10,659	5,243	19,575	12,905	21,977	8,519	7,414
հանրային տարածքներ	-	-	57	175	2,117	1,194	5,595	3,838	-	-	-
Ընթացիկ ծախսեր	-	-	391	1,003	1,132	226	1,059	1,094	2,846	5,237	4,558
Աշխատավարձ	28	99	227	606	1,623	386	1,811	1,870	4,863	8,950	7,789
Չուտ եկամուտ/(ծախս)	(13,210)	(22,976)	(5,184)	4,086	15,469	28,100	18,597	27,525	25,462	32,105	38,055

Ֆինանսական կանխատեսումների հիմքում ընկած ենթադրություններ

- Տարի 1-ը համարվում է նախագծի մեկնարկի տարին՝ սկսած հողատարածքի ձեռքբերումից:
- Գուլֆի ակումբի և ակադեմիայի եկամուտներում ներառված են անդամավճարներ, ընթացիկ այցելություններ, դասընթացներ:
- Աղյուսակում ներկայացված կապիտալ ներդրումները կարող են որոշակի փոփոխությունների ենթարկվել ծրագրի շինարարական նախագծերի կազմելու փուլի ավարտից հետո՝ պայմանավորված վերջնական նախագծի հաստատման հետևանքով ֆինանսական հաշվարկների մեջ օգտագործվող պարամետրերի հստակեցմամբ:
- Աղյուսակում ներկայացված ընթացիկ ծախսերը ներկայացնում են ծրագրի այս փուլում հաշվարկելի ծախսերը, որոնք հիմնականում ներառում են գուլֆի ակումբի և ակադեմիայի խաղադաշտերի սպասարկումը: Բոլոր գործառնական և վարչական ծախսերի հաշվարկը հնարավոր կլինի իրականացնել ծրագրի շինարարական նախագծերի կազմման փուլում:
- Աշխատուժի վերաբերյալ ինֆորմացիան ներկայացված է ստորև.

Ցուցանիշ / տարի >>	1	2	3	4	5	6	7	8	9	10
Աշխատակիցների քանակ	-	6	24	47	157	196	202	202	202	202
1 աշխատակցի գծով ամսական միջին աշխատավարձ	-	573	719	851	653	578	561	561	561	561

- Աշխատուժի և աշխատավարձի հաշվարկների մեջ ներառված չեն հասարակական նշանակության ենթակառուցվածքներում ստեղծվող աշխատատեղերը, մասնավորապես՝ առաջնային բուժօգնություն տրամադրող և կրթական հաստատությունները, առևտրի կենտրոնը:
- Հաշվարկների մեջ ընգրկված չեն նաև ծրագրով նախատեսված ֆոտովոլտային արևային վահանակների տեղադրման հետ կապված ծախսերն ու այդ վահանակների շահագործումից գեներացվող եկամուտները:

Ստորև ներկայացված են ծրագրի շրջանակներում իրականացվող աշխատանքների փուլերն ու նախնական ժամկետները, ինչպես անհրաժեշտ կապիտալ ներդրումները ծավալը: Ժամկետները նշված են ամիսներով. նախագծի իրականացման մեկնարկը պայմանականորեն համարում ենք հողատարածքի ձեռքբերման ամիսը՝ ամիս 1:

Միջոցառում	Սկիզբ	Ավարտ	Տևողություն (ամիս)	Կապիտալ ներդրումներ (հազար ԱՄՆ դոլար)
Փուլ 1				13,745
Հողատարածքի ձեռքբերում	1	1	1	8,611
Տարածքի գեոդեզիա	2	3	2	822
Հողի քիմիական միլիտորացիա	2	19	18	2,338
Գոլֆի ակումբի և ակադեմիայի խաղաղաշտերի և հարակից շինությունների շինարարական նախագծերի կազմում, թույլտվությունների ձեռքբերման դիմում	2	19	18	1,973
Փուլ 2				28,335
Շինարարություն, որը ներառում է՝				
• գոլֆի ակումբի խաղաղաշտեր և շինություններ (ակումբի շենք, պահեստ)	20	37	18	12,878
• գոլֆի ակադեմիայի խաղաղաշտեր և շինություններ	20	37	18	11,843
Հյուրանոցային համալիրի, հանրային տարածքների և բնակելի հատվածի շինարարական նախագծերի կազմում, թույլտվությունների ձեռքբերման դիմում	20	37	18	3,615
Փուլ 3				130,291
Շինարարություն, որը ներառում է՝				
• հյուրանոցային համալիր	38	57	20	28,617
• հանրային տարածքներ	38	92	54	12,975
• բնակելի հատված	38	120	82	88,700

Նախագծի իրագործումը կարող է ուղեկցվել մի շարք ռիսկերով, որոնք կարող են ազդել նախագծի շրջանակներում կատարվող աշխատանքների և ֆինանսական արդյունքների վրա: Նման ռիսկերը ներառում են (բայց չեն սահմանափակվում) հետևյալը.

Պանդեմիայի ռիսկ

- Covid-19-ի փորձը ցույց տվեց, որ 21-րդ դարում տնտեսությունները պաշտպանված չեն պանդեմիայի ռիսկից: Եթե լինի պանդեմիա, ապա դրանով պայմանավորված պետական միջոցառումները (արտակարգ դրություն և այլ սահմանափակող միջոցառումներ) կարող են ազդել նախագծի նախաշինարարական և շինարարական փուլերում կատարվող աշխատանքների վրա,
- երկրների միջև տեղաշարժի սահմանափակումներ, այդ թվում՝ օտարերկրյա մասնագետների այցի անհնարինություն, ծրագրի իրագործման համար անհրաժեշտ ապրանքների և նյութերի ներկրման խոչընդոտներ/անհնարինություն/ժամկետների հետաձգում,
- առաջիկա տարիներին զբոսաշրջության անկում, թեև այս պահին հնարավոր չէ գնահատել այս գործոնի ազդեցությունը նախագծի իրագործման վրա և կանխատեսումներ անել, քանի որ գովի ակումբի խաղադաշտերի և շինությունների շինարարական փուլի ավարտը նախատեսված է նախագիծը սկսելուց առնվազն 2.5 տարի հետո, իսկ նախագծում ներառված հյուրանոցային համալիրը՝ 4-5 տարի:

Հողարածքի հետ կապված ռիսկեր

- Հողատարածքի բարելավման ռիսկեր, հողատարածքի՝ գովի դաշտի խոտածածկույթի և բուսականության համար նախատեսված հատվածները աճեցնելու անհրաժեշտ պայմաններին համապատասխանեցնելու խոչընդոտներ
- Պատմամշակութային հանձնաժողովի եզրակացություն
- Շրջակա միջավայրի վրա ազդեցության գնահատում (ՇՄԱԳ)

Արտարժույթային ռիսկ

- Արտարժույթի շուկայում կտրուկ տատանումները կարող են մեծ ազդեցություն ունենալ ծրագրի ֆինանսական ցուցանիշների վրա, քանի որ թե եկամտային, և թե ծախսային հոդվածներում առկա են արտարժույթով գնանշված ապրանքներ ու ծառայություններ:

Գործառնական ռիսկ

- Նախագծի կառավարման գործընթացներում հնարավոր կորստի ռիսկ՝ պայմանավորված ներքին գործընթացների ոչ համարժեքությամբ, ծրագրային և տեխնիկական համակարգերի խափանմամբ, մարդկային գործոնով կամ արտաքին ազդեցություններով:

Երկրի/տարածաշրջանի ռիսկ

- Համաշխարհային, տարածաշրջանային և/կամ կոնկրետ երկրի անբարենպաստ իրադարձություններ (քաղաքական, տնտեսական, արժույթային, բնական աղետներ և այլն), որոնք հնարավոր չէ կանխատեսել կամ կանխարգելել:

Ռիսկերի ազդեցությունը ֆինանսական ցուցանիշների վրա ներկայացված է ստորև.

Ռիսկ/Փոփոխման ենթակա մեծություն	Հյուրանոցային համարների գրավվածություն	Բնակարանների, առանձնատների և կոմերցիոն տարածքների վաճառքի գին	Շինարարական ծախսեր (1 մ² արժեք)
Պանդեմիայի ռիսկ	✓		✓
Հողատարածքի հետ կապված ռիսկեր			✓
Արտարժույթային ռիսկ	✓	✓	✓
Երկրի/տարածաշրջանի ռիսկ	✓	✓	✓
Եղանակ	✓		

Զգայունության վերլուծություն

Ստորև ներկայացված է ծրագրի զգայունության վերլուծությունը.

Նկարագրություն	Եկամուտ	Ծախս	Զուտ եկամուտ/ (ծախս)	Ետգնման ժամկետ (տարի)	IRR
Հիմնական սցենար	366,199	218,169	148,030	6.4	28.6%
Հյուրանոցային հասարակության զբաղվածություն					
Սցենար 1՝ -15 միավոր	352,725	218,169	134,556	6.5	26.8%
Սցենար 2՝ -30 միավոր	339,252	218,169	121,083	6.6	24.8%
Բնակարանների, առանձնատների և կոմերցիոն տարածքների վաճառքի գին					
Սցենար 1՝ -25%	344,428	218,169	126,259	6.5	25.8%
Սցենար 2՝ -50%	322,657	218,169	104,488	6.7	22.7%
Շինարարական ծախսեր (1 մլն արժեք)					
Սցենար 1՝ +25%	366,199	263,065	103,134	7.1	19.4%
Սցենար 2՝ +50%	366,199	307,960	58,239	8.1	11.3%

Արարատի մարզը հանրապետության տնտեսապես զարգացած մարզերից է:

Տնտեսության հիմքը գյուղատնտեսությունն է (հիմնականում խաղողագործություն, պտղաբուծություն և բանջարաբուծություն):

Փոքր Վեդի բնակավայր - բնակչության թիվը կազմում է 3,295 մարդ: Համայնքն ունի 780 երեխայի համար նախատեսված միջնակարգ դպրոց, մշակույթի տուն, 280 երեխայի համար նախատեսված մանկապարտեզ, բուժամբուլատորիա, դեղատուն, Հայփոստի բաժանմունք, խանութներ՝ 10 մթերային, 1 տնտեսական, 1 արդյունաբերական, 1 շինանյութերի, գազալցակայան: Համայնքը գազաֆիկացված է⁴:

2021 թվականին մարզի հիմնական վիճակագրական տվյալները եղել են հետևյալը⁵:

- գյուղատնտեսության համախառն արտադրանքը՝ 141.1 մլրդ դրամ (ՀՀ գյուղատնտեսության ընդհանուր ծավալի 14%-ն է),
- շինարարության ծավալը՝ 39,1 մլրդ դրամ,
- արդյունաբերական արտադրանքի ծավալը՝ 258,6 մլրդ դրամ,
- մարզական կազմակերպությունների քանակը՝ 7:

2022 թվականին մարզի խոշոր հարկ վճարողների կողմից պետ. բյուջե է վճարվել ընդհանուր 57.4 մլրդ դրամ կամ 3.85%: Արարատի մարզի խոշորագույն հարկատուն Ինտերնեյշնլ Մասիս Տաբակն է⁶:

Սույն նախագծի իրագործմամբ ակնկալվում է մարզում.

- շինարարության ծավալների էական աճ՝ նախագծի շրջանակներում շինարարական աշխատանքների իրականացման ողջ ընթացքում (մոտ 10 տարի, որը վերաբերում է բնակելի և կոմերցիոն հատվածների շինարարության ժամկետներին),
- նոր իրացման շուկայի ստեղծում գյուղատնտեսական արտադրանքի համար,
- զբոսաշրջության խթանում (ակնկալվում է տարեկան միջինում 50-64 հազար զբոսաշրջիկ),
- նոր աշխատատեղերի ստեղծում,
- պետ. բյուջե հարկային մուտքերի ավելացում:

⁴Աղբյուր՝ ararat.mtad.am

⁵Աղբյուր՝ www.armstat.am

⁶Աղբյուր՝ www.b24.am

Նախագծի սոցիալ-տնտեսական ազդեցությունը

Արարատի մարզպետարանից ստացված տեղեկությունների համաձայն, ներկայումս մարզում հյուրանոցային տնտեսության օբյեկտները հետևյալն են.

N	Անվանումը	Գործունեության ոլորտը	Համարների քանակը	Տեղակայման վայրը
1	Target shooting club	Հրաձգարան-հյուրատուն	7	գ. Այգեզարդ
2	Արդվին	Հյուրատներ	10	Երևան- Երասխ մայրուղի
3	Continental	Հանրային սննդի օբյեկտ, մոթել	18	Երևան- Երասխ մայրուղի
4	Ralina	Հանրային սննդի օբյեկտ, մոթել	8	Երևան- Երասխ մայրուղի
5	Հրաշք այգի	Հանրային սննդի օբյեկտ, մոթել	6	գ. Սրգավետ
6	Նոր Արտաշատ	Հանրային սննդի օբյեկտ	2	ք. Արտաշատ
7	Հյուրատներ	հյուրատներ	5	գ. Ուրցաձոր
8	Հյուրատներ	հյուրատներ	1	գ. Լուսաշող
Ընդամենը			57	

Սույն նախագծի իրագործման դեպքում մարզի հյուրանոցային տնտեսությունը կհամալրվի 5 օբյեկտով, որտեղ միջինում (ամսական) զբաղված կլինի 146 աշխատակից.

N	Հյուրանոցի տեսակը	Համարների քանակը/ հատ
1	Բարձրակարգ հյուրանոցային համալիր	100
2	Մարզահամալիր	50
3	Առանձնատներ	20
4	Մեծահասակների հանգստյան տուն	28
5	Ամառային ճամբար-հյուրանոց	35
Ընդամենը		233

Ծրագրի շուկայավարման քաղաքականություն

20-րդ դարի վերջից մինչ այսօր ամբողջ աշխարհում գոլֆի հանդեպ հետաքրքրությունը զգալիորեն աճել է: Մարդիկ սկսում են գոլֆով հետաքրքրվել անկախ սեռից և տարիքից, օրինակ՝ ԱՄՆ-ում 2022 թվականին 6 տարեկանից բարձր 41.1 միլիոն ամերիկացիներ խաղացել են գոլֆ՝ ինչպես խաղաղաշտում, այնպես էլ խաղաղաշտից դուրս, ինչպես նաև ինը տարի շարունակ գոլֆի ոլորտը ունեցել է ավելի քան 2 մլն սկսնակներ⁷:

Աշխարհի առաջատար 5 գոլֆ խաղացող երկրներն են ԱՄՆ-ն (16,752 գոլֆի խաղաղաշտ), Ճապոնիան (3,169 գործող գոլֆի խաղաղաշտ), Կանադան (2,633 գործող գոլֆի խաղաղաշտ), Անգլիան (2,270 գործող գոլֆի խաղաղաշտ) և Ավստրալիան (1,616 գործող գոլֆի խաղաղաշտ):

2019թ.-ի տվյալներով Եվրոպայում և Ասիայում պլանավորվում էր կառուցել 300-նոր գոլֆի խաղաղաշտ՝ 151 և 149 համապատասխանաբար⁸:

ԱՊՀ երկրների տարածաշրջանում գոլֆ ակումբներն են.

- Արարատ Վալի Քանթրի Բլաք, Երևան, Հայաստան /Ararat Valley Country Club, Yerevan, Armenia
- Թբիլիսի Հիլզ Գոլֆ, Թբիլիսի, Վրաստան/ Tbilisi Hills Golf, Tbilisi, Georgia
- Ամբասադորի Քախրեթի Գոլֆ Բլաք, Քախրեթի, Վրաստան/ Ambassadori Kachreti Golf Club, Kachreti, Georgia
- Ժայլաու Գոլֆ Ակումբ, Ալմաթի, Ղազախստան/ Zhailjau Golf Course, Almaty:

Տարածաշրջանում առկայությունը նպաստում է գոլֆ ակումբներում այցելությունների քանակի ավելացմանը, քանի որ գոլֆ խաղացողները ճանապարհորդում են և այցելում հաջորդաբար տարածաշրջանում տարբեր գոլֆ ակումբներ:

⁷Աղբյուր՝ www.ngf.org

⁸Աղբյուր՝ <https://www.golfmonthly.com/>

Ծրագրի շուկայավարման քաղաքականություն

Ծրագրի շուկայավարման քաղաքականության շրջանակներում նախատեսված միջոցառումների համառոտ նկարագիրը ներկայացված է ստորև.

- նախագծի իրագործման սկզբնական փուլում գոլֆի սեմինարի կազմակերպում, հանրության իրազեկում, նախագծի ներկայացում,
- համաշխարհային ճանաչում ունեցող 1-2 գոլֆ խաղացողների (այդ թվում՝ հայազգի)՝ որպես գոլֆ ակումբի հեղինակավոր անդամ և դեսպան (gold club ambassador) ներգրավում,
- գոլֆի միջազգային մրցարշարի կազմակերպում Հայաստանում՝ միջազգային գոլֆ խաղացողների մասնակցությամբ,
- համալիրի նկատմամբ շարունակական հետաքրքրությունն ապահովելու համար տարբեր բնույթի հանրային միջոցառումների կազմակերպում՝ (բացօթյա համերգներ, փառատոներ),
- միջազգային ճանաչում ունեցող մարզիկների և ֆուտբոլային ակումբների ներգրավում՝ հերթական ամառային մարզումներն անցկացնելու համար՝ առավել զրավիչ գնային քաղաքականություն առաջարկելով, սպորտային համալիրների՝ միջազգային ստանդարտներին համապատասխանության շնորհիվ:

Ծրագրի շրջանակներում կառուցվող համալիրում գոլֆի խաղաղաշտի առկայությունը կնպաստի հյուրանոցային սեկտորի զբաղվածության ապահովմանը՝ դարձնելով այն հանգստի և միջոցառումների համար ավելի գրավիչ վայր:

Ստեղծված ինֆրաստրուկտուրան կնպաստի նաև այլ սպորտաձևերի սիրահար հաճախորդներ ներգրավելուն՝ ծավալուն միջոցառումների համար և այլ սպորտաձևերի միջազգային ճանաչում ունեցող մարզիկների և ակումբների համար (ֆուտբոլի խաղաղաշտի առկայություն, թենիսի կորտեր, օլիմպիական լողավազան):

Գոլֆի խաղաղաշտի հարակից բնակելի հատվածի համար հիմնականում կթիրախավորվի արտերկրում բնակվող գոլֆ խաղացող հաջողակ, կայացած և ապահով խավը, այդ թվում՝ ծագումով հայ գոլֆի սիրահարներ:

«Բերքլի Քեմիթի» ՓԲԸ-ն՝ հիմնված 2018 թվականի օգոստոսին, ներդրումային ֆոնդերի գործադիր կառավարումն իրականացնող ընկերություն է, որի նպատակն է ստեղծել և կառավարել ոչ հրապարակային պայմանագրային բազմապրոֆիլ ներդրումային ֆոնդեր: Այն միտված է ֆինանսական, ինչպես նաև ուղղակի ներդրումներին՝ հիմնականում կոմերցիոն (առևտրի և բիզնես կենտրոններ, հյուրանոցային համալիրներ և ռեզորտներ, ազատ ժամանցի և զվարճությունների վայրեր) և բնակելի շինարարության, էներգետիկայի, ենթակառուցվածքների, կենսատեխնոլոգիաների ոլորտներում:

Ընկերությունն ունի բանիմաց ֆինանսական մասնագետների թիմ (միջազգային հեղինակավոր ֆինանսական կազմակերպություններում աշխատանքային փորձով), որն օժտված լինելով խնդիրներ լուծելու լավ հմտություններով՝ առաջարկում է բիզնեսին նորարար, իրական լուծումներ ու մոտեցումներ և նորագույն ֆինանսական պրոդուկտներ՝ ոգեշնչված Ընկերության, ինչպես նաև ձեռնարկատիրությունը խթանելու տեսլականով:

Ընկերությունը որպես իր կողմից ստեղծվող և կառավարվող ոչ հրապարակային պայմանագրային ներդրումային ֆոնդերի ներդրումային ծրագրերի ֆինանսավորման աղբյուր դիտարկում է «ներդրողների փակ ակումբում» ընդգրկված մասնակիցների՝ ֆիզիկական և իրավաբանական անձանց (միջազգային կապիտալի շուկայից ներգրավված ներդրումային ընկերություններ) միջոցները, ներգրավված ֆոնդերում փայերի տեսքով, ինչպես նաև տեղական և համաշխարհային ֆինանսական հաստատությունների փոխառու միջոցները: